

# С о н ь н к о н ф е р е н ц

Элст балгъсна 2-ч номертӓ дундин школин багширин совет сургъульчирин сургъулинь, бӓӓдлинъ ясрулхин кергт, эцкнрнь орлцх кергтӓ гидж шиидӓд, декабрин 18-д эцкнрин шишлнъ конференц кев. 160 эцкнр хурв.

Сӓн сургъмдж ӧглгънӓ тускар болн школ гер-бӓл хойран залгълдаг батруллгъна тускар йир сонън доклад школин директор ӓр И. С. Немичев кев.—Эк-эцкнрин хургт ӧмннъ нъдинд экнр ирдг билӓ. Зӓрм эцкнр кӓӓкдӓн ягъдж сургъулян сурчачинъ, ягъдж школд болн олтурсн газрт бийӓн бӓрдгинъ хӓлӓш. Тегӓд чигн теднӓ кӓӓкднъ сонъвр уга болцхана,—гидж келгдв. Сӓӓнӓр, чикӓр сургъмдж ӧгхин туск тесг селвг эцкнрт ӧггдв. хаджгър сургъмдж ӧгдг эцкнрин тускар кергдв. Эцк кӓн кӓӓкдиннъ ӧӧр ягъдж бийӓн бӓрх. ямаран сӓн ӓлгӓр кӓӓкдтӓн ӓзӓлхин тускар кӓӓндгдв.

ӓр Полоусов, Носков, Шарманджинов болн нанъ чигн кесг эцкнр шишлнъ школд ирӓд, багширла харгъад, кӓӓкдиннъ сургъуль сӓӓнӓр шӓӓдж хӓлӓцхӓнӓ тидж темдглгдв.

Конференцд эцкнрин нерн деерӓс ӓӓрмӓд С. М. Пушкарев, С. Э. Базыров, И. Ф. Репкин, Цибульский ӓг келцхӓв. —Хург цаглагъан болв. бидн кесг олзта селвг авдн. —Ӗмннъ, кӓӓкдиннъ сургъулинь болн сургъмджинъ экднъ даалгъчкад бӓӓдг билӓвдн. Ода бидн бас орлцнавдн,—гидж эцкнр келцхӓв.

—Шишлнъ, школас, багшас селвг авад, теднд номан дасхднъ нӧкд болад хӓлӓгъӓд бӓӓхлӓ, тедн сургъулян сӓӓнӓр сурхнъ, бийӓн сӓӓнӓр бӓрхнъ лавта,—гидж Шарманджинов келв.

—Маниг, эцкнриг, дару-дарунъ цуглулдж, бичкдӓдт сургъмдж ягъдж ӧгх селвгӓн хувацджатха

гидж нанъ чигн ӓг келсн эцкнр сурцхав.

Шин программар ягъдж кӧдлджӓхӓн классин гардачнр эцкнрт келдж ӧгцхӓв.

Сургъульчнрт политехническ медрл ӧкднъ дӧнъ болхин кергт урн. маши меддг эцкнрӓс политехническ медрл ӧглгънӓ комисс бӓрдӓгдв. Тӓӓӓнднъ эцкнр Киевский Г., Полоусов П., Перепелятников А. болн Репкин И. орв.

—Школин ӧӧр каток кех, школин эргндк хаалгъ ясхм,—гидж комисс шиидв.

Школла болн багширла, школин гардачнрла залгълдагъан улм ӧӧрдӓлдж, кӓӓкдиннъ сургъуль сурлгънд ӧгдг онъган икдӓлх болдж эцкнр шиидцхӓв.

**Б. ДЕЛЬДЕНОВА.**

Элст балгъсна 2-ч номертӓ дундин школин багш.